

续资质通鉴长编

續貴州通志卷之四

續資治通鑑長編卷一百五十七

宋 李燾 撰

仁宗

慶祿五年八月丙辰詔升祔二后依元德皇后故事改題神主

龍圖閣直學士起居舍人知秦州田況遭父喪辛酉詔起復況固辭又遣內侍持手詔敦諭況不得已乞歸葬陽翟託邊事求見泣請終喪上惻然許之帥臣得終喪自況始得終喪在此年十二月今并書

眞宗封禪之後不復校獵廢五坊之職鷙禽走犬悉放山林於是兵部員外郎直集賢院李柬之上言祖宗校獵之制所以順時令而訓戎事也陛下臨御以來未嘗

續資治通鑑長編卷一百五十一
講修此禮願詔有司草儀撰日命殿前馬步軍司互出兵馬以從獵於近郊壬戌詔樞密院討詳先朝校獵制度以聞

癸亥蕃官供備庫副使慕恩爲洛苑副使內殿承制趙明爲東染院使三班奉職李元成爲右侍禁先是樞密院副使丁度請下陝西旌擢蕃官之材勇者以勸其種人而環慶經略司言恩等數有戰功又爲部族所服故特遷之

甲子右正言知制誥楊察爲契丹國母生辰使東上閣門使新州刺史王克忠副之戶部判官祠部郎中張堯臣爲契丹主生辰使西上閣門副使張希一副之度支判官祠部員外郎集賢校理李昭遘爲契丹國母正旦

使供備庫副使閤門通事舍人李璋副之監察御史包拯爲契丹正旦使閤門通事舍人郭琮副之克忠承衍

孫希一耆子璋用和子也

詳琮未

契丹館伴者謂拯等

曰雄州新開便門乃欲誘納叛人以刺候疆事乎拯曰

欲刺知北事自有正門何必便門也本朝豈嘗問涿州

開門邪敵折不復言及拯使還具奏臣昨奉命出境敵

中情僞頗甚諳悉自創雲州作西京以來不輟添置營

寨招集軍馬兵甲糧食積聚不少但以西討爲名其意

殊不可測緣雲州至并代州甚近從代州至應州城壁

相望只數十里地絕平坦此南與北古今所共出入之

路也自失山後五鎮此路尤難控扼萬一侵軼則河東

深爲可憂不可信其虛聲弛其實備兼聞代州以北累

年來蕃戶深入南界侵占地土居止耕佃甚多蓋邊臣畏懦不能畫壕禁止今若不令固守疆界必恐日加滋蔓窺伺邊隙寢成大害銀坊城等亦緣此而致切不可忽也況卽今邊上將帥尤在得人昔太祖經營四方選勇幹忠實者分控西北邊皆一任十餘年不遷卒獲其效今則不然蒞事未幾卽圖遷徙又何暇於訓練備禦乎臣欲乞今後應沿邊要衝之處專委執政大臣精選素習邊事之人以爲守將其代州尤不可輕授如得人責以實效雖有微累不令非次移替所貴軍民安其政令緩急不致敗事

銀坊城事當考歐陽修論侵界已附五月末是年十月己巳詔劉湜諭北

使令依誓約毀去銀坊城此時拯使北未還其上此疏當在明年春間今因拯出使先附見之

庚午資政殿大學士吏部尙書知亳州夏竦爲宣徽南

院使河陽三城節度使河東都部署經略安撫使判并州是日荆南府岳州地震

辛未以升祔二太后神主遣官告天地宗廟社稷及永定陵二太后陵

癸酉詔夏國比進誓表惟延州保安軍別定封界自餘皆如舊境其令陝西河東嚴戒邊吏務守疆土毋得輒有生事

甲戌降河北都轉運按察使龍圖閣直學士右正言歐陽修爲知制誥知滁州太常博士權發遣戶部判官蘇安世爲殿中丞監泰州鹽稅入內供奉官王昭明監壽春縣酒稅修旣上疏論韓琦等不當罷爲黨論者益忌之初修有妹適張龜正卒而無子有女實前妻所生甫

四歲以無所歸其母攜養於外氏及笄修以嫁族兄之子晟會張氏在晟所與奴姦事下開封府權知府事楊日嚴前守益州修嘗論其貪恣因使獄吏附致其言以及修諫官錢明逸遂劾修私於張氏且欺其財詔安世及昭明雜治卒無狀乃坐用張氏奩中物買田立歐陽氏券安世等坐直牒三司取錄問吏人而不先以聞故皆及于責安世開封人獄事起諸怨惡修者必欲傾修而安世獨明其誣雖忤執政意與昭明俱得罪然君子多之

修論奏日嚴據何郟章疏

錢明逸劾修據修與蔣之奇辯第六劄雜錄第三有修八劄

乙亥唐鄧等州都巡檢使禮賓副使宋吉荆湖南路捉殺蠻賊

丙子詔廣南西路轉運司與鈐轄司體量邕欽廉近海

三州宜融柳近溪峒三州知州兵馬監押寨主巡檢使
臣罷懦不任事者別舉官以聞

庚辰徙鄜延鈐轄內侍押班史志聰爲涇原鈐轄知延

州梁適言志聰與本路部署周美有舊隙故也鄜延

經略司言夏國未肯明立封界詔保安軍移文宥州令

遵守誓約指揮腰斬永甯軍雲翼軍士王宗齊闌等

十一人初宗與闌等謀劫庫兵爲亂其從劉金因他罪

自陳宗等旣誅金亦當坐死特貸之

永甯軍卽永定軍
天聖七年改名

壬午監察御史李京言竊聞去年保州軍亂之後緣邊

兵驕小不如意則譁言動眾近又永甯軍士潛謀竊發

邊氓遠近不安嘗觀唐自至德以後河朔兵驕鎮魏尤

甚易主謀帥僅如置棊濟以姦臣跋扈朝廷威令不行

斯蓋不早制之失今緣邊主兵之臣既不遴擇其人及軍士作過不問亂所由起一槩被罪遂使驕兵增氣動要姑息守臣審前覆以避禍但務因循亂由是長今不早制之將復有至德之弊也宜下兩府按邊吏罷懦不任事及綺紈子弟一切罷之如素練師律則使之久任其有軍士作過本非長吏生事者只坐召禍之人所貴驕卒畏威而革心守臣竭節以專事此非特張紀律之本亦所以制機事之先也

九月癸未朔翰林學士王堯臣等言奉詔詳定選任館閣官欲請自今遇館閣闕人許帶職大兩省以上舉官有文學行實者二人在外舉一人更從中書采擇召試其進士及第三人以上自如舊例詔凡有臣僚奏舉並

臨時取旨

丙戌詔審官院自今京朝官嘗爲監司體量及半年無

顯狀者具元奏上中書

此段當考不然削去

庚寅詔文武官已致仕而所舉官犯罪當連坐者除之
從翰林學士張方平之請也方平言坐繆舉而許首免
蓋責其當察所舉者之不法也致仕官旣謝事不當與
在職者同責遂著爲令

辛卯以重陽曲宴近臣宗室于太清樓遂射苑中

癸巳復校書郎宋敏求爲館閣校勘王堯臣等上其所

緝唐武宗以來至哀帝事爲續唐錄一百卷故也 詔

近臣考先朝正史實錄爲景德禦戎圖 錄故雄霸州

緣界河巡檢內殿承制李用子宗定爲下班殿侍仍著

爲例

丁酉詔判并州夏竦軍事不及中覆者聽便宜行之

湖南安撫使劉沆言與提點刑獄楊旼等八路入討蠻

徭破蕩挑油平能家等處巢穴廣勇副都頭夏吉等四

十八人諸軍十將至長行共八百八人各捕斬首級有

勞請遞遷一資仍加支賜從之其應募進士區有隣等

十四人並錄以官

官區有隣等在一月丙戌今再書

戊戌詔河東陝西緣邊州軍有以堪造軍器物鬻於化

外者以私相交易律坐之仍編管近裏州軍

庚子置南京留守司御史臺

壬寅詔河東經略轉運司佃官地歸明人並蠲其差役

其別自營創者如令

癸卯詔河北河東陝西路鈐轄自今初除遙郡者其俸廩並依緣邊帶遙郡例給之

甲辰徙江南東路轉運按察使兵部員外郎楊紘知衡州紘常言不法之人不可貸如使肆貪殘於一郡一邑害良民千萬家不若去之不利一家爾聞者望風解去或及期不敢之官然竟坐苛刻下遷紘億從子爲億後其爲江東轉運按察使富弼所薦也

紘已見

丁未殿中丞李實言自今臣僚所上章疏凡迂誕詞語

此據會要當考

冬十月甲寅遣入內供奉官康德用爲河東經略司走馬承受河東舊無內臣承受判并州夏竦特請之竦又言欲遣人齎土物招攜藏才諸蕃部詔前不係西北所

屬及於誓詔毋礙乃可竦在并州嘗以私僕侵盜產財杖殺之侍御史吳鼎臣言竦爲天子大臣而貪暴不法

如此願下有司正其罪不報鼎臣延州人也

吳鼎臣劾夏竦附見

乙卯契丹遣林牙保靜軍節度使耶律翰樞密直學士中書舍人史館修撰王綱來獻西征所獲馬三百匹羊

二萬口又獻九龍車一乘

契丹附傳正傳並不載耶律翰等來使惟實錄本紀會要

載之亦不知報聘者誰也當考

戊午詔如聞湖南搖賊餘黨欲降其令本路罷出兵攻討及告諭逃匿者復歸舊處仍令州縣存撫之時唐和等猶未就執也

辛酉祔章獻明肅皇后章懿皇后神主于太廟大赦前一日文德殿奉安寶冊帝服通天冠絳紗袍執圭太常

奏樂百官宿朝堂是日有司薦享諸廟日加寅帝復詣
正衙宰臣行事官贊導冊寶至大慶殿廷發冊出宣德
門攝太尉賈昌朝陳執中並受寶冊升輅陳儀衛鳴鼓
吹赴奉慈廟上寶冊告遷二神主皆塗太字大赦天下
諸路轉運使昨帶按察之名比聞過爲煩苛吏不安職
至有曉諭州縣俾互相告諭有傷風化無益事體其並
罷之時執政沮改范仲淹富弼所行事因肆赦遂有此
命去年八月乙卯以劉湜包拯等言但降敕約束包拯
又欲因郊赦權罷茶鹽增課竟無施行今此升祔遂
削去按察之名不知是誰申請當考初議者請覃恩百官且優賜軍士
參知政事吳育曰無事而啟僥倖誰爲陛下建此議者
請治之已而帝語輔臣曰外人怨執政宜防諠譁育曰
此必諫議者欲以動搖上聽願毋慮臣旣以身許國何

惲此耶帝嘗遣中使察視山東賊盜還奏盜不足慮而言兗州杜衍鄆州富弼山東尤尊愛之此爲可憂帝欲徙二人淮南育曰盜誠無足慮然小人乘時以傾大臣非國家之福議遂格

甲子成州防禦使楊景宗爲徐州觀察使仍給留後俸二后旣升祔上念章惠故驟賜景宗也以延州馬蹏

川新築城爲安定堡

安定堡見周美傳已附二年四月戊子

戊辰契丹歸明人安忠信李文吉並爲三班奉職淮南監當仍賜忠信銀三百兩文吉百兩初文吉等嘗爲契丹刺事雄州至是來歸特錄之

己巳詔送伴契丹使劉湜北界近築寨於銀坊城侵漢界十里以其誓約諭使人令毀去之

六月癸丑十月己巳當參考

庚午上御內東門賜從官酒三行奏鈞容樂幸瓊林苑
門賜從官食遂獵於楊村燕幄殿奏教坊樂遣使以所
獲獐兔馳薦太廟既而召父老臨問賜以飲食茶絹及
賜五坊軍士銀絹有差宰臣賈昌朝等言陛下暫幸近
郊順時畋獵取鮮殺以登廟俎所以昭孝德也即高原
以閱軍實所以講武事也問耆年而秩飲所以養老也
勞田夫而賜惠所以勸農也乘輿一出而四美皆具伏
望宣付史館從之王安石志孫抗墓云上大獵于城南
有雉隕于殿中抗奏疏即是不及整而歸以夜明日將復出
年十月獵于楊村六年十一月獵于城南之東韓村七
年三月即有詔罷獵而抗六年三月已罷御史其諫當
是五年冬然五年冬不歸以夜又不在城南其在城南
歸以夜乃六年冬事何郊奏
議可考恐安石誤也今不取

辛未始頒麻于夏國